



R. G. ADAMS

Questo libro composto di librette  
trentanove ha un gran valore.  
Il suo più gran pregio consiste nella  
lettera di Cristoforo Colombo in lingua  
Spagnola.



Thomas Randolph Adams


The John Carter Brown Library



GIFT OF

Thomas R. Adams








The John Carter Brown Library

GIFT OF


Stephen B. Adams







98-106-6





EPIGRAMMATA,  
ET ALIA VARIORVM AV.

ctorum in mortem IOANNIS Fonti,  
boni Iurisconsulti Vtinæi  
Composita.



VIRTUTE DVCE



COMITE FORTVNA.

VENETIIS Ioan. Gryphius excudebat,  
M D LVI.

*Jo*



APJCB



IOAN. GRYPHIUS CANDIDO  
LECTORI S.



VM superioribus diebus ad me  
perlatum esset de obitu Ioannis Fon  
tiboni, Iurisconsulti optimi, doctissi  
miq; plurimum sanè, ut debui, com  
motus sum. neque mehercule tan  
tam iacturam æquo animo unquam  
ferre potuissem. Erat enim uir summæ doctrinæ, &  
probitatis, & (quod pace uniuscuiusque dictum sit) tan  
to magis super omnes laudibus efferendus, quanto mi  
nus omnibus laudis cupidus uisus est. Cum autem nu  
per allatus sit libellus carminum à uariis auctoribus in  
eius mortem compositorum, in mentem uenit me per  
belle ægritudini, quæ hoc tam graui uulnere accepto  
animum meum conficiebat, mederi; & præterea unà  
delectationem, & utilitatem studiosis afferre posse, si  
eum imprimendum curarem. id quod sine mora effe  
ctum est. Accipite igitur candidi lectores libellum ele  
gantem, & subtili uestro iudicio (ni fallor) non indi  
gnum, in dies meliora accepturi. Valete. Venetiis.



ferre potuissent. Exprobrant ut scilicet doctrinae, &  
 probitate, & quod pace inuicemque dictum sit tan-  
 to magis scilicet omnes laudibus effundendus quanto mi-  
 nus omnibus laudibus cupidus uisus est. Cum autem nu-  
 per illas et illas criminum etiam auctoribus in  
 eius morem coram omnium in mentem uenit me per  
 bello agnoscere. Quod hoc tam graui uulnere accepto  
 animam meam conuoluerat, necesse est praeterea una  
 delationem et uisitationem studiosis asserere posse, si  
 cum impudenter coram, id quod sine more esse  
 sum est. A coram autem studiis liberos liberos et  
 gentem, & libelli uelut iudicio (mi fallor) non inde  
 gressus est meliora accipere. Valeat. Venetia.



IOANNIS PETRI ABSTEMII.<sup>3</sup>

**E**Xtinctum iuris fontem quid fletis amici?  
Cur ciues tantum uos noua damna mouent?  
Hic bonus, hic uerè ille bonus fons aruit, a stris  
Sed fluit exundans nectare, & ambrosia.  
Reddita uirtuti sua præmia, numine Diuum  
Nunc fruitur. Procul hinc dolor, & gemitus.

EIVSDEM.

**N**on herbas cultos, fœcunda'ue poma per hortos  
Hic fons irrigua purus alebat aqua,  
Sed legum præscripta, fidem, ius, fasq; rigabat,  
Iustitiæ hinc flores enituerè noui.  
Hinc bonus est uero dictus cognomine, cœlo  
Nunc clarus uiuis, ipse rigatur aquis.

MARIANI.

**F**ontem olim uoluere Dei demittere, nostris  
Irriguumq; animis, irriguumq; bonis.  
Nunc, unde exierat, fontem uoluere reuerti,  
Irriguum æterno nectari, & ambrosiæ.



NICOLAI MACHEROPIL

**M**anabat de fonte bono uena aurea Iuris  
Publica, prorumpens per fora, perq; domos.  
Hanc soror auertit Parcarum pessima, postquam  
Immisit nitidis dira uenena uadis,  
Scilicet extimuit, ne forte Vtinea Iuuentus  
Viuere æternos fonte iuuante dies.  
Si nil uirtuti, si fati omnia debent,  
O uirtus, uirtus inuidiosa uale.

INCERTI AUCTORIS.

**F**ama uiri tanti penetravit & infera regna,  
Quantus in eloquio, consilioq; foret.  
Hinc fuit arte diem raptus, suam ut explicet artem  
Minoi, atque ipsis manibus in latebris.  
Vnde forum mœret, dolet urbs, & turba clientum,  
Sublatoq; bono Fonte, Iuuenta sitit.

FABIANI BELLII.

**T**urba boni toties grato sub murmure fontis  
Et somnos capere, & sueta leuare sitim,



Flens steterat, vasto tellus ubi sedit hiatu,  
Apparent tanti quàm monumenta mali.  
Tunc subito effulgens cœlo Cyllenius inquit,  
O pia parce oculis, parce cæterua genis.  
Iuppiter ipse, pijs desint ne manibus undæ,  
Fontis eò auertit flumina grata boni.

### IACOBI FANNII.

Si quenquam extinctæ moueant uirtutis honores,  
Mens pia, & ingenti uita peracta fide,  
Mœreat hic obitus tristes, tua fata Ioannes  
Fontibone, atque uno tot bona adempta die.  
Te facilem, atque pium, rectumq; fidemq; colentem,  
Iura euoluentem gloria consequitur.  
Ergo tibi inferias statuit bene grata iuuentus  
Certatim, tumulis & pia iusta tuis.

### EIVSDEM.

Fontibono bona commigrant migrante Ioanne,  
Iustitia, integritas, relligio, atque fides.  
Incertum, bonus, an sapiens magis, arce deorum  
Iustitiæ fructus accipit, & fidei.



EIVSDEM.

**F**onti boni cœtus puerorum ad busta Ioannis  
Certatim flores ponit, & inferias,  
Pro Sophia ingenti, pro religione, fideq;  
Pro sincero animo, moribus atque bonis.  
Nunc flores adhibent parui, exiguasq; corollas,  
Nox faciles lusus, Pieridasq; dabunt.  
Spiritus ò fœlix (aiunt) manesq; ualete:  
Aeternum cœtus uos superûm altus habet.

DIRCÆI PATRIS.

**F**onte bono situs h'c Sophiæ, legumq; Ioannes  
Cultor, pellebant unde sitim iuuenes,  
Difficiles iuris doctus dissoluere nodos,  
Integer & uitæ, consilioq; bonus.  
Hunc igitur lacrymis sequitur studiosa Iuuentus,  
Et cineri meritas inferias peragit.  
O si nunc potō lethes de flumine manes  
Ex Samij redeant dogmate Pythagoræ,  
Sed quia non fas est animas reuocarier, usque  
Sede fluēt uiuus **FONS BONVS** elysia.

EIVS



EIVSDEM.

**Q**UI iacet hîc, leges sanctas, & iura docebat,  
 Fonte bono exortus, sed mala Parca tulit.  
 Huius consilijs cedunt oracula Phœbi,  
 Huic antiqua Fides, integritasq; fuit.  
 Prisca huic relligio, probitas huic rara, mouere  
 Sed potuit Virtus inuida, Fata nihil.

EIVSDEM.

**F**ons bonus hic aret, fluxit qui clarior olim,  
 Dum sapida Iuuenum corda rigauit aqua.  
 Nunc fluit Elysia sedis per amœna uireta,  
 Iuris ut extinguat turba beata sitim.

EIVSDEM.

**D**um Rex umbrarum lustrat sua regna, peritos  
 Iuris perpaucos inuenit Elysio.  
 Fonti bonum extemplo acciri iubet ille Ioannem,  
 Antiqua insignem relligione uirum.  
 Nunc celebris discit uitas, & crimina iudex,  
 Non ibi sat Minos, nec Rhadamanthus erat.



INCERTI AUCTORIS.

**F**ons fuit hic bonus, exhausto nam è fonte liquore  
Exiliens rursus largior unda fluit.  
Vberior quondam Patriæ procul arua rigabat,  
Omnibus & licuit sumere, fontis aquas,  
At nunc sydereis acceptus sedibus, imas  
Vsque tamen terras, & rigat usque polum.

INCERTI AUCTORIS.

**F**ontiboni eximias vos laudes dicite uates,  
Mi tenui hæc liceat fundere uerba sono.  
Fons bonus hic fluxit, melior post fata resurgit,  
Tunc hominum, superum nunc leuat ille sitim.

INCERTI AUCTORIS.

**E**xhausti fontis Vatum dum turba liquores  
Deflet, & innumeris uult reparare modis,  
Phœbus ait Vates (moneo uos) rumpite uocem,  
Tam graue nam noster uix chorus audet opus.



INCERTI AUCTORIS.

**E**Xhaustum fontem lugent heu pascua Iuli,  
 Hinc torpent amnes, hinc riget omnis ager.  
 Quod si fons idem nostras reuocetur ad oras,  
 Nec torpent amnes, nec riget ullus ager.

M. ANTONII FIDUCII.

**R**estitit haud (ut uos male creditis) arida fontis,  
 Lympham agit undantem uena perennis adhuc.  
 Sed largos dudum nobis quæ præbuit haustus,  
 Et summam irriguo gurgite lambit humum:  
 Nunc fluit ad manes cæcis epota cauernis,  
 Mox pleno superis fonte bibenda etiam.  
 O' fontis laudem egregiam, te humoribus expers  
 Luget terra, fouet Ditis, olympus auet.

EIVSDEM.

**G**orgoneæ sileat Phocis miracula lymphæ.  
 Notior hîc miro uena liquore salit.  
 Illa nisi sitientem aliquem non concitat, iste  
 Trudit & inuitis carmina fons animis.



## BERNARDINI DECANI.

**P** Astores teneras procul hinc arcete capellas,  
Ne pereant uē fame, ne pereant uē siti.  
Fonte bono extincto non tellus Dædala flores,  
Non fert lanigero pabula læta gregi.  
Mœret ager, mœrent syluæ, & formosus Apollo  
Insolito Eois lumine surgit aquis.  
At uos, queis licuit dulces haurire liquores,  
Et niueos uitreo fonte lauare greges,  
Officij hoc memores incidite marmore carmen:  
Fons olim hic fluxit rectare, & ambrosia.

## EIVSDEM.

**F** Ontiboni angusta cineres clauduntur in urna,  
Ast animus campis gaudet in Elysij.

## PETRI GRYPEI.

**T** E licet abstulerit fusca Deus arbiter Aulæ,  
Non tamen æternum sustulit ille decus,  
Quin tua coelicolis reddatur fama superstes,  
Vivat & astriferi nomen in arce poli:



7  
Cum bene iustarum seruasti dogmata legum ,  
Ostendens artem , consiliumq; pium .  
Quò fit , ut egregijs decorent te laudibus omnes ,  
Pæstanisq; ornent mœsta sepulcra rosis .

BENEVENUTI HERMINII.

Corpus humo tegitur , mens fulget candida cœlo ,  
Sic fruitur uoto Fons bonus ecce suo .

INCERTI AUCTORIS.

Heu quibus , heu quantis urbem mœroribus implet  
Tam cari capitis deficiens oculus .  
Vnde iacent uiduæ leges , iacet inconsulta  
Iustitia , orba fides , urbem agedum ange dolor .

VINCENTII IVSTI.

Pallentes uiolæ , lilia candida ,  
Vos cultæ salices Fons bonus aruit ,  
Intonsi nemoris Fons Decus inclytum  
Flete , nam simul  
Quæ uos Nympha manu candida legerat ,



Vt sertum nitidum conderet, heu procul  
Hinc astræa pedem cum gemitu tulit,  
Ingens heu dolor,  
Qui uos tam placidi margine gurgitis  
Fouebat uiolæ, lilia candida, &  
Vos cultæ salices, hinc cito languidæ  
Aret Fons bonus.

IO ANNIS CABALL. COR.

monensis Elegia.

**I**N tenebris patriam linquis, luctuq; sepultam,  
Dum mortem properat Fons bone Parca tibi.  
Nam tecum pietas, tecum probitasq;, fidesq;.  
Et periit recti quicquid in orbe fuit.  
Hinc Vrbs flebilibus complet caua saxa querelis  
Exitium repetens corde tremante tuum,  
Et turri Nymphæ muscosi in margine fontis  
Nescio quid tristi Flebile uoce gemunt.  
Tempora ferali Pallas redimita cupressum  
Dicitur æternos increpuisse Deos,  
Te quia lethæa florente ætate peremptum  
Compulerit Stygios puppe subire lacus,  
Astræa amq; tuo immaturo in funere fama est  
Auditam querulos ingeminare sonos.



Denique quis duplici non planxit pectora palma?

Quis non dissecuit ungue rigente genas?

Tu tamen, o possim tantum perferre dolorem.

Huc, unde excessisti, non rediturus obis.

Vel tu uixisses, uel si te Fata trahebant,

Nec poterant uitæ longius ire dies,

Vnà debuimus tecum decedere cuncti,

Ne sine te nobis uitæue, morsue foret.

Sed neque es extinctus, nanque inter sydera fulges,

Et uiuit nostro nomen in orbe tuum.

Attamen ingemimus, nec quod tua gaudia cordi

Non sint, sed quod non nos quoque mors rapuit.

At tu, qui è coelo sublimis despicias orbem,

Et iam Diuino Numine cuncta uides,

Respice, & Vrbis quanta celebret tua funera pompa

Cerne, & te quanta cum pietate colat.

Flore nouo exornat tumulum, uiolaq; coronat,

Et cinerem lacrymis fundit & ossa pijs.

Mascula thura focis, Arabumq; adolentur odores,

Assyria & siquid mollius arua ferunt.

Ad bustum pia facta tuum, laudesq; canuntur,

Et scriptum de te Marmora carmen habent.

Terra sit exiguo cineri semper leuis, at tu

Aeternum foelix Fons bone aue, atque Vale.



EIVSDEM.

**D**um bonus immenso Fons fluxit in orbe, uirorum  
Lucidulus puris corda rigauit aquis  
At nunc ante diem è terris sublatus ad Astra,  
Nectareo fundit corda liquore Deum.  
Nectare mutari lympham laus rara, sed ipsum  
Est hominem fieri rarior Hercle Deum.

EIVSDEM.

**C**um circumfusas animam exhalaret in auras  
Fons bonus, & iam mens scandesceret ad superos,  
Astræa insontes manibus lamata capillos,  
Non sine, non sine me Fons bone abibis, ait.  
Dixerat, è nostro confestim euanuit orbe  
Ad Cœlum Fontem Diua secuta bonum.

EIVSDEM.

**D**ignum Fonte bono uos Musæ dicite carmen,  
Nos demus Flores, nos lacrymas tumulo.  
Iurisconsulto iacet hîc consultior omni  
Balde tua uenia, Barthole pace tua.

EIVS



## EIVSDEM.

**H**as lacrymas , gemitusq; tibi dat mœstus Iolas ,  
 Quando aliud , quod det , nil sibi iam superest .  
 Nam certè te tam properè pereunte , relictum  
 Est sibi nil aliud , quàm lacrymæ , & gemitus .

## EIVSDEM.

*Fontibonus loquitur .*

**Q**ui tumulum sortem nostram miseratus ad istum  
 Fata gemis fletu nostra iuvante nihil ;  
 Ne manes , ne læde precor , sic in tua vota  
 Perpetuo faciles experiare Deos .

## EIVSDEM.

**D**uiolas tumulo pubes , lacrymis ego fontem  
 Irroro exhaustum nocte dieq; meis .  
 Illud tu tantum , nec coeptum desere , donec  
 Pallidulæ surgant è tumulo uiolæ .  
 Hoc ego item tantum , nec coeptum desero , donec  
 Prosilat fisis Fons novus è lacrymis .



EIVSDEM.

*V*iator ad tumulum.

**Q**uid tegis hîc? fontem, cur non fluit? aruit, est nê  
Fons bonus hîc, quem gens Iulia plorat? Idem.  
Quis calor exhausit? Phœbi, quid nam improbe Phœbe,  
Nostros quid fontes improbe Phœbe rapis?

EIVSDEM.

**F**ontibonum ne flete boni, ne flete sodales,  
Non ille, ut male uos creditis, interiit;  
Sed sanctam posito mortali corpore cœpit  
Aeternis uitam uiuere cum Superis.  
Imò igitur gaudete boni, gaudete sodales,  
Lætitiâq; animos exhilarate noua.  
Nanque ante hîc tantum moriturus uixerat, at nunc  
Immortalis & hîc uiuit, & ante Deos.

EIVSDEM.

**A**D uacuum comites quid fontè quæritis alueum?  
Sidereas petiit, uenerat unde, domos,



*Ingens nunc flumen paruo pro fonte, fluitq;  
Dulci pro lympba nectar, & ambrosia.*

*EVSDEM. AD FRAN. MAN.*

**M**orte sua in luctu patriam cum cerneret atro  
Fons bonus, & uariè corda dolere uirum;  
Statim poenituit nos deseruisse, sed ipsi  
Huc dedit, unde abiit, posse redire Deus.  
At quia non poterat solito sine corpore cerni,  
Vixit in ingenio Mantica docte tuo.  
Quæq; illi fuit ante obitum Doctrina, Decusq;  
Permanet, & probitas, & sine labe fides.

*EIVSDEM. AD RICAR.  
dum Commaulum.*

**T**Andem querelis optime  
Ricarde ponatur modus.  
Fletum satis iam, Scilicet  
Cunctis manus mors inijcit,  
Nec anteponit pauperi  
Regem superbum Willico.



EIVSDEM.

**A**D hunc qui tumultum uenit *V*iator,  
 Nec genas lacrymis refert madentes,  
 Hunc credam silices habere corde,  
 Hunc non ingemere, aut dolere posse,  
 Si fractus Styge sorbeatur orbis.

EIVSDEM.

<b>F</b>	<i>A</i> ta Fons bone te impia abstulerun	<b>T</b>
<b>A</b>	nte, quam foret hora mortis, at t	<b>V</b>
<b>M</b>	ortem nil metuens Deorum in aul	<b>A</b>
<b>A</b>	urata Superis beatus astra	<b>S</b>
<b>P</b>	rocul nos dubiæ caduca uitt	<b>Ae</b>
<b>E</b>	rrantes sequimur, scelesti done	<b>C</b>
<b>R</b>	umpat stamina nostra parca, & æst	<b>V</b>
<b>D</b>	e mente huc Stygium furens ferat fe	<b>L</b>
<b>V</b>	erum te sine lustra ferre mult	<b>A</b>
<b>R</b>	elictis facile haud erit, quiete	<b>M</b>
<b>A</b>	bsque te haud reperimus, unde coet	<b>V</b>
<b>B</b>	enigno lacrymante, risus exu	<b>L</b>
<b>I</b>	n loca externa priscus hinc abiui	<b>T</b>
<b>T</b>	ecta non petiturus inde nostr	<b>A.</b>



EIVSDEM RETROGRADI.<sup>11</sup>

**S**ollicitat tua mors cunctos, sed pectora nostra  
Credere si fas est, Fons bone dilacerat.

EIVSDEM RETROGRADI  
in suum genus, reciproce.

**A**stra petis, linquis dum terras, aurea foelix,  
Tot bona pro nece dant Fons bone coëlicolæ.

EIVSDEM ALTERIVS FOR-  
mæ Tumulus loquitur.

**S**acros mole premo manes hac deueneranda,  
Deueneranda hac manes premo mole Sacros.

EIVSDEM ANGVINEI DIRECTI.

**P**ierides, Pallas, Charites, Aëtræa, Napææ,  
Concinite, humecta, fundite, tunde, date,  
Fontibonum, cineres, suspiria, pectora, flores,  
Carminibus, lacrymis, corde, manu, calathis.



## DIRCAEI FILII.

**V**Os, quibus exhaurire bono de fonte licebat  
Lymphas, atque auido pellere corde sitim,  
Flete simul, bonus ecce aret fons, fons bonus ille,  
Quo nihil aut fuerat dulcius, aut melius.  
Flete diu, & lacrymis cineres implete sepultos,  
Ut rursus sicco è fonte resurgat aqua.

## ANTONII SABBATINI.

**P**ostera dum eximios celebrabunt sæcula foetus  
Balde tui ingenij, Barthole siue tui;  
Tu quoque Iuliadum specimen laudabere fama  
Aequa, his uel fies dignus honore magis.  
Quicquid enim Charites laudis tribuere duobus,  
Fontibone, hoc uni fata dedere tibi.

## EIVSDEM.

**V**T fratrem Idææ quondam fleuere sorores  
Troilon, infœlix Antilochumq; senex:  
Sic modo te amissum deflet studiosa iuuentus  
Gloria Iulæi FONSBONE rara soli.



## IOANNIS COMINI.

**O** Fons clarior omnibus ,  
 O fons lucidulis roribus integer ,  
 O fons optime fontium ,  
 Irrorant placido nuncubi tramite  
 Lymphæ ? queis super irrigas  
 Oplens cuncta rosis sparsus odoribus .  
 Quò nam tendit iter liquor ?  
 Quo depressa siti pectora frigeras .  
 Quisnam feruor Apollinis  
 Casu præcipiti sub phaëtontidis ,  
 Vel quæ bruma rigens gelu  
 Insesto , ut Scythiæ sub regionibus ,  
 Te subtraxit ab alueo ?  
 Te campi Elysi , te retinent loca  
 Tantis digna liquoribus .  
 Felices animæ , quæ loca possident ,  
 Te circum Choreas agunt ,  
 Necnon præ nimia lætitia fremunt ,  
 Cantantes tibi carmina ,  
 Texentesq; rosis ferta decentibus .  
 Nos uerò ad sinus aridos  
 Stantes languiduli quærimus abditum ,

*Et multum lacrymis solum  
Roramus, lacrymis fons itaque bonus  
Pleno adlabitur alueo.*

*INCERTI AUCTORIS.*

**F**ONS BONVS *hic olim nitidis uberrimus undis,  
Cuius miro haustu quilibet alta sapit,  
Arui beu, fallor, sublimia ad astra recessit  
Exiliens, ortum duxerat unde liquor.  
Quod si per terras iam lacteus iste fluebat,  
Nunc cœlo grati Nectaris auget opus.*

*EIVSDEM.*

**F**ONS Iuris, Fons ille sacer reuocatur ad *Astra,*  
*Nunc factus uero est nomine, reque bonus.*

*EIVSDEM.*

**V**OS ò Thespiadum choro, & parente  
Phœbo progeniti, Linoque, & Orphæ  
Nihil dissimiles, & ad Caballi  
Vndas aligeri iugo in supremo

*Educti,*



Educti , altiloqui graues poetæ ,  
 Vos inquam altiloqui graues Poetæ ,  
 Dignum Fontebono , bonisq; Musis  
 Carmen dicite , quod male urat Indos ,  
 Vrat Hesperios , feratq; uestrum  
 Nomen sidera ad usque gloriosum .  
 Contra nos humiles leues Poetæ  
 Præ uobis , homines parumq; naris  
 Emunctæ , scioli , quibus negatum est  
 Versus fundere largiore uena  
 Excultos , lepidos , & elegantes .  
 Conticebimus abditi in tenebris ,  
 Ausi nil strepere anseres olores  
 Inter , qui feriunt Polum canendo .  
 Rare totum onus hoc renunciamus  
 Vobis altiloqui graues Poetæ ,  
 Fontem siue bonum bono scatentem  
 Humore in superos referre uultis ,  
 Seu quid grandius inuenitur orbe  
 Toto , quod uideatur esse dignum  
 Et uestro ingenio , & lepore uestro ,  
 Vt uos uos sciat optimos Poetas  
 Mundus , nec putet optimos Poetas  
 Præter uos , reliquos ineptiarum

Cantores, humiles, leues poetas  
Dicat, Iureq; pessimos Poetas.

ALEXANDRI PONTONI.

UT nostram tetigit fontem, nouitq; liquorem,  
Hoc est Nectar ait Iuppiter, & rapuit.

FRATRIS AVGVSTI STAI.

FONS cadit in fontem, bonus influit in meliorem,  
Mors uitam, umbra Polum, Riuius Oceanum.

EIVSDEM.

SIC uiuo ualeas fonti coniungere fontem  
FONSBONE, fonte bono cur pereunt latices?

INCERTI AVCTORIS, FONS  
ad uiatorem bibere uolentem.

NON lymphæ ne tange precor, ne tange uiator,  
Sunt lacrymæ, lacrymas uis bibere ipse meas?



## EIVSDEM.

**Q**uem fuerant homines mirati sæpe loquentem,  
Nunc stupet eloquio turba Beata Deum.

## INCERTI AUCTORIS.

**T**elacrymas pereunte damus, lux candida nanque  
Fosbone Iuliadum te pereunte, perit.

## INCERTI AUCTORIS.

**C**ædite sic tumultum uates, hîc conditur urbis  
Fama, decus, probitas, religio, atque fides.  
Sed quidnam tot opus uerbis? hæc scribite tantum,  
Exiguo hoc situs est Fonsbonus in tumulo.  
Nam cum Fontebono unà dicitur urbis, & orbis  
Fama, decus, probitas, religio, atque fides.

DI M. VICENZO DIRCEO,  
SONETTO.

**S**Oglion tal' hor da qualche largo fonte  
Risorger chiari, dolci, & freschi riui,  
Che mormorando limpidetti, & uiui  
Cadono giu d'un colle, o giu d'un monte.  
Ma quando'l Sol ci stà più sopra'l fronte,  
La terra ardendo ne i calori estiuui,  
Restan di grati humori i fonti priui,  
Et non son più l'acque famose, & conte.  
Questo buon fonte hauea per tutto sparsi  
Di bontade, & ualor i riui suoi  
Ne i caldi petti di uirtute accesi.  
Ma'l sommo Sol, mentre l'hà tolto à noi,  
Che semo homai di sete asciutti, & arsi,  
Hà fatte sue uirtuti più palesi.



DI M. PIETRO ARRIGONE.<sup>15</sup> S.

**Q**Vando giungendo al destinato segno  
Drizzò tutti ad un fine i pensier sui  
Quel, c'hor piangete, & sali'n grembo allui,  
Che la su'l tien per pretioso pegno,  
Conobbe'l mondo all'hor, ch'ei n'era indegno,  
Che quà giuso fra noi stess'egli, à cui  
Tanta gratia largita hauea colui,  
Che pel nostro peccar morì sul legno;  
Onde bagnando'l sen pria si giocondo  
S'udi dir con mestissime parole,  
Spento'l primo ualor, qual fia'l secondo?  
Ma gli Angeli con uoci e rade e sole  
Leuando ogn'altro suo terreno pondo,  
Lieto'l locar nelle celesti scole.

DEL CAB. MADRIALE.

**I**N ripa al Natisone  
Sospirando dicea queste parole  
Il Nordio, & con pietà fermaua il sole:  
Da che'l gran Fontebuono  
Noi qui lasciando è gito all'altra uita,  
Oscuri i giorni sono,  
E'n un momento è ogni beltà sparita,  
Ne la terra uestita  
Di mille almi color serua, ma suole  
Produr cardi aspri in uece di uiole.

DEL MEDESIMO  
STANZA.

**M**Entre i dolenti figli con la cara  
Madre spargean di pianto un largo rio:  
Con pietà à loro inusitata & rara  
Si uolse il Fontebuon', & disse à Dio,  
Voi mi riuederete sù nel Para,  
Ma dir non potè diso, che morio;  
Onde l'Alma già fuor di caldo & gelo  
Subito ascese immacolata in Cielo.



16

DI M. VIRGINIO BOCCASSO.

**L'**Alma, che già altamente albergò in terra,  
(Quel, c'hauea' l' secol nostro in se piu degno)  
S'è partita da noi uerso quel Regno,  
Ch' à gran parte di noi si chiude & serra:  
Ne teme ella, che' l' tempo edace à terra  
Getti ciò, che uiuendo oprò l' ingegno,  
Che per sempre serà qui norma, & segno  
Di tutto quel, ch' à lungo andar s' atterra.  
Congiurato pianeta, dure uoglie,  
Che n' hanno in alto mar tratti dal Porto,  
Sendo' l' nostro bel lume hoggi sparito.  
Giaceno qui le sue corporee spoglie,  
Et esso uiue bench' altrui par morto,  
Che glorioso al Ciel quindi è salito.

DEL MEDESIMO.

**S**pirto, che glorioso, & lieto torni  
Doue Dio ti creò, puro o immortale,  
Senza segno lasciar qui di mortale,  
Si che la morte, e' l tempo se ne scorni.  
Sù nell'ottauo Ciel miri gli adorni  
Pianeti congiurati al nostro male,  
L'auree stelle, e' l bel Sol c'hor scende, hor sale,  
Menando i lustri, gli anni, i mesi, & giorni.  
Dormito hai Fontebuon ben picciol sonno  
Per noi, ben che suegliata sia nel cielo  
L'Alma tua santa delle membra ignuda.  
Morte & fortuna più contra non ponno,  
Che stracciato hai questo corporeo uelo,  
Lasciandol qui, che freddo marmo il chiuda.

DEL



DEL MEDESIMO.

17

**A** Lma real , che nell' Empireo cielo  
Sei con l' altre sant' alme elette unita ,  
Ecco , che ritornata , ond' eri uscita  
Nulla pauenti homai caldo , ne gelo .  
Ma noi cangiando andiamo il uiso , e' l pelo  
Più per tempo dal dì , ch' alleggerita  
De l' incarco terreno , à miglior uita  
Salisti qui lasciando il mortal uelo .  
**V**ita mortal , ch' altro di noi non resta .  
Che polue , & ombra , & uenni guerreggiando  
Di continuo fortuna in sù le porte .  
**F**elice te , che uiua , ignuda & desta  
Volasti gloriosa al Ciel sprezzando  
Il tempo , la fortuna , inuidia , & morte .

DEL MEDESIMO.

**L'** Alma gentil , che qui alcun tempo uisse ,  
Giunta all' estremo passo , & noi piangendo ,  
Et sospirando si riuolse , & disse ,  
Da che' l' sospirar uo'stro e' l' pianger tanto  
Nulla rileua : e' l' tempo ite perdendo ,  
Dhe lasciate i sospir , lasciate il pianto ;  
Ne ui lagnate mai di quel ch' è forza ,  
Ch' un giorno fia , fia pur per tempo o tardi ,  
Ch' ogn' un lasciar uerde , o matura scorza  
Morte constringe , & nulla ual , che tardi .

D'INCERTO AUTTORE STAN  
ZA ANGVINEA.

**L'** Ornamento , il splendore , la bontade ,  
D' Vdine , della patria , del mondo ,  
Ratto , troppo per tempo , in uerde etade ,  
E sparito , è sepolto , è gita al fondo ,  
Con le Gratie , con Palla , con A'strea ,  
Sacre , celeste , di giustitia Dea .



18  
D'INCERTO AVTORE.


**A**L chiaro fonte, alla dolce, & fresc'onda  
Pongasi per sepolcro Italia, & pianga  
D'ogn'intorno il suo occaso empio, & ripianga  
Quanto la terra cinta il mare inonda.


IL FINE.

VENETIIS, Ioan. Gryphius excudebat  
M D LV I.

72-106-7

















~~H595~~  
~~N4795~~  
~~V.1~~

J595  
N4795  
V.1



*Handwritten text on a paper label, partially obscured and torn. The visible characters include "A" and "C".*